

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-19408/23
Sarajevo, 09.10.2023. godine

Na osnovu člana 64. stav (1) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14 i 59/22) i Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022. godine, a na preporuku Komisije za javnu nabavku radova, Općinski načelnik donosi:

ODLUKU

I

Okvirni sporazum u postupku javne nabavke - Izvođenje radova na rekonstrukciji i izgradnji sportskih igrališta na području općine, broj obavještenja 422-1-3-215-3-236/23, objavljeno na Portalu javnih nabavki dana 30.8.2023. godine i “Službenom glasniku BiH- Oglasnik javne nabavke” br.60/23, dodjeljuje se najpovoljnijem ponuđaču „Džekos“ d.o.o. Sarajevo sa ponudenom cijenom za okvirni sporazum u iznosu od 726.409,15 KM bez PDV-a, odnosno 849.898,71 KM sa PDV-om.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi okvirni sporazum i dostavi Općinskom načelniku na potpis.

III

Obavezuje se ponuđač iz tačke I ove Odluke da dostavi dokumentaciju traženu tačkom 3.1.3. tenderske dokumentacije koja se odnose na član 45. stav (2) tačka od a) do d) Zakona i dokumentaciju traženu u tački 3.3.2. tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

Obrazloženje

Odlukom broj 02/12-19-19408/23 od 25.8.2023.godine Općina Novi Grad Sarajevo pokrenula je otvoreni postupak javne nabavke - Izvođenje radova na rekonstrukciji i izgradnji sportskih igrališta na području općine, broj obavještenja 422-1-3-215-3-236/23, objavljeno na Portalu javnih nabavki dana 30.8.2023. godine i “Službenom glasniku BiH- Oglasnik javne nabavke” br.60/23.

Zapisnikom o otvaranju ponuda od 22.9.2023. godine Komisija je konstatovala da su u predviđenom roku, u propisno upakovanim kovertama, pristigle tri (3) ponude ponuđača:
1. grupa ponuđača „Flex invest“ d.o.o. Sarajevo i „Bosman“ d.o.o. Sarajevo, 2. “Džekos” d.o.o. Sarajevo i 3. „Dinalsa” d.o.o. Sarajevo.

Nadalje, Komisija je pristupila analizi i ocjeni ponuda u skladu sa uslovima iz tenderske dokumentacije. Komisija je utvrdila da ponuđač „Dinalsa“ d.o.o. Sarajevo ne ispunjava kvalifikacioni uslov tražen u tenderskoj dokumentaciji iz tačke 3.4.1. a) *da je ponuđač u protekle tri kalendarske godine uspješno izvršio najmanje jedan ugovor koji za predmet ugovora ima ovakav ili sličan predmet*

nabavke vrijednosti najmanje 425.000,00 KM sa PDV-om. Tačkom 3.4.2. (a) propisan je način na koji se dokazuje navedeno.

Uvidom u dostavljenu ponudu ponuđača „Dinalsa“ d.o.o. Sarajevo utvrđeno je da je na stranici broj 32 ponude dostavljena Potvrda o uredno izvršenom ugovoru broj 028/22 od 28.2.2022. godine izdata od strane pravnog lica „Izvor Bosne“ d.o.o. Sarajevo, a koja se odnosi na uredno izvršenje ugovora za izvođenje radova na izgradnji sportsko rekreativnog sadržaja za potrebe hotela.

Obzirom da iz dostavljene potvrde nisu jasno dati podaci o kojoj vrsti radova – sportsko rekreativnih sadržaja se radi, u kojoj količini i vrijednosti po pojedinim vrstama radova, ponuđač je aktom Komisije broj 02/12-19-19408/23 od 03.10.2023. godine pozvan da dostavi pojašnjenje u vezi sa dostavljenom potvrdom, a sve kako bi se moglo utvrditi da li se priložena potvrda može smatrati relevantnom u smislu dokaza o uspješnom izvršenju istih ili sličnih radova koji su predmet javne nabavke. Ponuđač „Dinalsa“ d.o.o. Sarajevo je aktom broj 0409/23 od 04.10.2023. godine dostavio dokumentaciju – okončanu situaciju za Ugovor - Izvođenje radova na izgradnji sportsko rekreativnog sadržaja za potrebe hotela. Komisija je izvršila analizu dostavljene dokumentacije i utvrdila da potvrda koja je dostavljena u ponudi se odnosi na izgradnju bazena sa bazenskom hidrotehnikom gdje su u manjoj količini zastupljeni radovi koji su predmet javne nabavke na koju se ponuđač prijavio (pripremnih radova, dio radova, ograde i sl.). Osnovni radovi koji su predmet ove nabavke su sportski mobilijar i sportske plodne obloge koji tehnološki predstavljaju posebnu vrstu gradnje uzimajući u obzir propise zaštite i sl., te istih nema u radovima za potvrdu za koju je dostavljena okončana situacija. Shodno navedenom Komisija nije mogla prihvatiti dostavljenu ponudu u smislu uslova postavljenih u tenderskoj dokumentaciji.

Iz naprijed navedenog razloga utvrđeno je da ponuđač „Dinalsa“ d.o.o. Sarajevo ne ispunjava uslove tražene u tenderskoj dokumentaciji iz tačke 3.4.1. (a) – tehnička i profesionalna sposobnost, odnosno da je ponuda nepravilna, te je ponuda odbačena shodno odredbama člana 68. stav (4) tačka i) Zakona o javnim nabavkama.

Nadalje, Komisija je utvrdila da grupa ponuđača „Flex invest“ d.o.o. Sarajevo i „Bosman“ d.o.o. Sarajevo ne ispunjava kvalifikacioni uslov tražen u tenderskoj dokumentaciji iz tačke 3.4.1. a) da je ponuđač u protekle tri kalendarske godine uspješno izvršio najmanje jedan ugovor koji za predmet ugovora ima ovakav ili sličan predmet nabavke vrijednosti najmanje 425.000,00 KM sa PDV-om;

Tačkom 3.4.2. (a) propisano je da se navedeno dokazuje na sljedeći način: a) Lista izvršenih ugovora ponuđača koji su u vezi predmetom nabavke, a koji su realizovani u posljednje tri godine sa vrijednostima, datumima i naručiocima radova kao dokaz da je ponuđač uspješno izvršio najmanje jedan ugovor koji za predmet ugovora imao ovakav ili sličan predmet nabavke vrijednosti najmanje 425.000,00 KM sa PDV-om. Uz spisak izvršenih ugovora ponuđač je dužan dostaviti najmanje jednu potvrdu za ugovor koji za predmet ugovora ima ovakav ili sličan predmet nabavke vrijednosti najmanje 425.000,00 KM sa PDVom, koju je izdala ugovorna strana – naručilac radova, a koja obavezno sadrži: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, važi izjava ponuđača o uredno izvršenim ugovorima, uz predočenje dokaza o učinjenim pokušajima da se takve potvrde obezbijede; (original ili ovjerena kopija)

Uvidom u dostavljenu ponudu grupa ponuđača „Flex invest“ d.o.o. Sarajevo i „Bosman“ d.o.o. Sarajevo utvrđeno je da su na stranicama broj 72-74 i 77-78 ponude dostavljene potvrde o uredno izvršenim ugovorima:

1. Na stranici br. 72 dostavljena je Potvrda broj 01-058-207/23 od 11.9.2023. godine izdata od strane Općine Istočna Ilidža kojom se potvrđuje uredno izvršenje dva ugovora od strane „Flex invest“ d.o.o. Sarajevo na izgradnji igrališta u ukupnom iznosu od 194.688,01 KM sa PDV-om;
2. Na stranici br. 73 ponude dostavljena je Potvrda broj 08-11-8-9141-1/23 od 22.8.2023. godine izdata od strane Općine Hadžići kojom se potvrđuje uredno izvršenje ugovora od strane „Flex invest“ d.o.o. Sarajevo na izgradnji sportskog i dječijeg igrališta u iznosu od 377.196,66 KM sa PDV-om;

3. Na stranici br. 74 dostavljena je Potvrda broj 07-45-2-1201/22 od 08.8.2022. godine izdata od strane Općine Konjic kojom se potvrđuje uredno izvršenje ugovora od strane „Flex invest“ d.o.o. Sarajevo na izgradnji sportskog igrališta u iznosu od 78.390,00 KM sa PDV-om;

4. Na stranici br. 77 ponude dostavljena je Potvrda broj 10-04-11-604/20 od 17.7.2020. godine izdata od strane Općine Stari Grad Sarajevo kojom se potvrđuje uredno izvršenje ugovora od strane „Bosman“ d.o.o. Sarajevo za rekonstrukciju sportsko-rekreacionog igrališta u iznosu od 129.721,40 KM sa PDV-om,

5. Na stranici br. 78 ponude dostavljena je Potvrda broj 13/1-19-8224/22 od 25.10.2022. godine izdata od strane Općine Stari Grad Sarajevo kojom se potvrđuje uredno izvršenje ugovora od strane „Bosman“ d.o.o. Sarajevo za izgradnju igrališta za mali nogomet u iznosu od 77.217,47 KM sa PDV-om.

Iz navedenog je vidljivo da grupa ponuđača nije dostavila najmanje jednu potvrdu za ugovor koji za predmet ugovora ima isti ili sličan predmet nabavke vrijednosti najmanje 425.000,00 KM sa PDV-om, nego su dostavljene potvrde na manje iznose te ih Komisija nije mogla prihvatiti u smislu uslova postavljenih u tenderskoj dokumentaciji.

Iz naprijed navedenog razloga utvrđeno je da grupa ponuđača „Flex invest“ d.o.o. Sarajevo i „Bosman“ d.o.o. Sarajevo ne ispunjava uslove tražene u tenderskoj dokumentaciji iz tačke 3.4.1. (a) – tehnička i profesionalna sposobnost, odnosno da je ponuda nepravilna, te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je nadalje utvrdila da dostavljena ponuda ponuđača „Džekos“ d.o.o. Sarajevo ispunjava formalno-pravne i kvalifikacione uslove tražene u tenderskoj dokumentaciji. Komisija je izvršila računsku kontrolu ponude te utvrdila računsku grešku. Ponuđač je dostavio saglasnost za ispravku računске greške broj 900/23 od 29.9.2023. godine.

Nakon što je Komisija utvrdila da je dostavljena jedna prihvatljiva ponuda, a da je obavještenjem o nabavci i tenderskom dokumentacijom bila predviđena e-aukcija, u skladu sa članom 3. stav (3) Pravilnika o uslovima i načinu korištenja e-aukcije, odlučeno je da će se predmetni postupak okončati u skladu sa članom 69. Zakona o javnim nabavkama BiH, te je Komisija dala preporuku za zaključenje okvirnog sporazuma sa ponuđačem „Džekos“ d.o.o. Sarajevo.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za javnu nabavku radova, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Anisa Bašagić, sekretar komisije

DOSTAVITI:

1. Ponuđaču u postupku
2. Služba za zajedničke poslove
3. Komisija za javne nabavke radova



Općinski načelnik

mr. Senir Efendić